

Anpao Kin

THE DAYBREAK.

BUREAU OF
AMERICAN ETHNOLOGY1900
LIBRARY

"Wankantanhan Anpao kin hiyounhipi."—Luke 1. 78.

VOL. XVI

FOREST CITY, SO. DAK., APRIL, 1900.

NO. 6

ANPAO KIN.

 REV. E. ASHLEY }
 REV. W. J. CLEVELAND } Editors

ANPAO KIN wi iyohina, wiyawapi anpetu tokaheya eca mazaakirpeyapi.

WI XAKPE on kapi, qa wi iyohina akezapitan (15) aokpani xni, ptayena partapi. wicacaje wanjina ekta hiyukiyaapi kta empi kinhan, iepi kin iyohina kaxpapi wanji (10c) on kajupupi kta.

WIXAKPE on kapi, qa wi iyohina wanjina iepi kta ciupi kin, kaxpapi wa ji sanm okise (15, on kajupupi kta.

Ieupi xni itokab kdajupupi kta.

Wowapi askahyapi maxaxana wanji qaix nonpa owapi kin, mazaska eekiya, ANPAO KIN opeton okihipi kta.

Tuwa wowapi kagin kte ca wowapi skasani el'owa kta.

Opetonpi kta wowapi hiyukiyaapi qaix ad taku oyakapi kta ciupi na hiyukiyaapi ca, wowapi jaha akand eeced owapi kta.

REV. E. ASHLEY,

CHEYENNE RIVER AGENCY, S. D.

Yawaxteya Cajeyatapi Wowapi Wan.

ANPAO KIN iekoyagunyanpi qa wicorai waxte eoon iyounpaxtakapi kta wookili yuha. Okolakiye-wakan opapi tka anakeya tipi kin, hena iyotan taokiye waxte heca kta. Bixop wani kin eciya tanhan, taku ecamon onxpaxpa oyakapi qa taku bduotanin kta wacini kin hena owasiq, qa Tipiwakan iyaza omawani woyakapi kin hena, qa nakun Okolakiye wakan kin wotanin tawa tokiokeca ed kagapi kta. Oate nukitawapi kin owasiu ANPAO KIN iepi qa sanm wicaxa tokeca wicapi nia ecanmi.

W. H. HARE.

Yewicaxipi Bixop

Wocekiye Wakan kin.

Wakantanka Taokolakiye el wocekiye wakan wanji iyotan unqupi na heon etanhan woceon wakan unkeyapi. Wagna wotapi etanhan econqunpi kin he Itancan unyanpi kin Jesus Christ iyecubein unqupi. Eya Tawocekiye—"Ateunyanpi kin"—nakun unqupi na tohanena waceunkiyaapi kinhan he unqonpi kta ce eye. Aiyotan woceon wakan wanji unqupi na tohan Wakantanka ohounlapi kta mniunkiciyapi ca woceon kin he iyotanunlapi kta kta iyececa (Ohan. 2:42; 20:7; 1 Corinth. 11:20; Heb. 10:25).

Woceon wakan kin he caje ota on cajeyatapi:—

1. Wagna Wošnapi eyapi, tuktel yuwakanpi kin eciyatanhan on eyapi (Matt. 5:23, 24; Heb. 13:10).

2. Christ We na tancan kin; woceon kin le el Wagna wošnapi akan Wanikiya unkitawapi tancan na we kin el un kin heon (1 Corinth. 11:27).

3. Eucharist-Wopila-eyapi. I-

cin woceon kin he wopila eyapi wošnapi kin heca. Wowapi wakan kin el hecel woceon kin he cajeyatapi (1 Korinth. 14:16; 1 Tim. 2:1).

4. Mass kin. Saglasa Okolakiye Sina Sapa etanhan igluacetu iyohakab tawocekiye wowapi tokaheya el hecel cajeyatapi. Tka ohakab wocajeyate cin ayuſtanpi, eša Christmas eyapi kin nahali ikoyake. Sina Sapa nahalci hecegna na ecela se ognayan cajeyatapi.

5. Itancan Rtayetu Wotapi kin; icin he el Christ Tancan na We kin unyutapi na unyatkanpi.

6. Okolakiye kin; icin he eciyatanhan Christ kici wanjila untagapi, na Christ unkicipi wanjila kagapi (1 Korinth. 10:16)

7. Liturgy-Cekiyapi; wocekiye woceon wan Wakantanka wicapi kin he, na he ogna-Wošna kaga Tawa kin waeconpi ece (Ohan. 13:2).

Taku topa on econpi ece. (1) Wakantanka toyuonihan na to witan on. (2) Wopila wošnapi kin on. (3) Woalitani wokajupu iepi kta cin on. (4) Wookihi na woyawaſte iepi kta cin on.

Woceon kin le econpi kin ohinni el lapi kta iyececa, na Christian benicapi kinhan yuſna ſniyan el yaipi kta. Wocekiye econ unma tukte iyonicipipi kin he yakalnigapi kta, naiſ tohan iyonicipipi kinhan wacekiya ya hipi kta iyececa ſni. Tohan Wocekiye Wakan econpi kta he wawinugapi kta iyececa, na hel yaunpi kta cin ohinni nigluwiye-yapi kta iyececa.

Provincial Chapter kin.

Lower Brule, S. D.,

March 13, 1900.

My Dear Brothers:

Hekta Sept. 15th kin el Ihanktonwan oyanke el Convocation mnicciyapi icunhan nakun "Provincial Chapter" omniciye econpi na el ake wayuſtanpi. Na "Lakota Wicaſa Wakan" unpi kin hena ake wamnawicayakiyapi kta eyapi. Na he miye anaye maſipi. Yunkan he wana tehan on wowapi kage ſni manke, tka he awektonje ſni waun, na on Itancan kin cewakiya ececa. Eya cin oyanke kin lel Lower Brule kin lel taku wotehi wan el unkipi, heon takuni el-ewacin ſni se waun. Icin Tipi Wakan tanka "Holy Comforter"

eciyapi kin ataya ile on hinſpaye hee. Nakun el St. Andrew's Charter kin koya hiſnaga, nakun miſ wocekiye wowapi na olowan wowapi koya henala. Canke he on icante ſica waun, na tohanan Tipi Wakan kin he ake piya kagapi ſni kin hehanyan on ipimiſila waun. Eša lehanl wanna ataya tanyan yuſtanpi na on wopila tanka miſ bluha.

Yunkan lehanl wani selececa, canke le wayuſtanpi kin on e ceciciyapi kta awacanmi ye lo. Heon eciyeciapi kin anamayagoptanpi nin ecanmi, na mazaska mayaqupi kta ca canteyuza po; na Lakota wicaſa wakanpi kin wicakiksuyapo, na wamnayanpi kin el wakicunpi ye. Nakun wicaſapi kin heyapi-Wicaſa Wakan icagapi kta cin on- tka miſ kepee ſni. Wanna tona nitokab najinpi kin hena on wamnayayapi kta ca aiſiciyapi ye. Lehan Lakota Wicaſa Wakanpi kin ake nonpapi cetupi ce hena on wamnayanpi na mayaqupi nin.

Hehanl Tipi Wakan unkitawapi kin he ecel yuſtanpi kin heon lila pilaunyanapi onyakiyapi kin on. Tuwa heye maſi ſni tka miye inila manke owakihi ſni on hepe. Henala, tanyan yaunpi nin ecanmi.

Nisunkapi kin miye

Clark Spotted Bull.

OKOLAKIYE WAKAN WOTANIN.

China makoce kin ekta Yewicaſipi on wowaſi econpi kin Bishop kin, China Wicaſa Wakan na Catechist unpi kin iyuha ptayela omniciye wan econpi na wicohan tawapi tokel sanpa icahye pica kin iwoglakapi.

Hekta Feb. 24 he ehan Chicago obaſpe kin on, Rev. C. P. Anderson, Coadjutor Bishop un kta e yuwakanpi.

Iyehan Portland, Maine, ekta St. Luke's Cathedral el, Rev. Mr. Codman Maine obaſpe on Bishop un kta yuwakanpi.

New York otonwe el Yewicaſipi on wokiciglakapi kta cin on, Okolakiye unkitawapi etan Bishop ſakpe, Presbyter ſakpe na wicaſa yamni el unpi kta e wicakalnigapi. Eya akam el ya pi na wanahonpi kta wicotapi kta naceca tka lena kalniſ opapi kta.

Bishop Whittaker tuwa Cuba

ekta inahni wawanyag ſipi qon wanna gli na taku tona ableze cin he oglaka. Yunkan Cuba el Wicaſa Wakan tona ſkanpi kin hena tanyan wowaſi econpi kta wicayutotapi kta iyececa, nahan Tipi Wakan kipiya kagapi kta ca mazaska 25,000 aokpani ſni wicapi kta iyececa keya.

Hekta Feb. 14 qon Saglasa makoce ekta Archbishop of Canterbury kin, he Rev. J. J. Johnson, Ha sapa woſna kaga heca, Africa makoce el, Lagos obaſpe kin on Bishop ookiye un kta ca yuwakan.

Lecala wicaſa wakan tona ſapi na hena wicaſa okinihanpi kin hecapi. Hetanhan Revs. Nichols, Rensselaer, Harrison na Millette. Ehake kin he hekta omaka 1877 wanji kici Peſelcin Deacon kagapi kta e wiyunga.

Bishop Hare wiyobiyantata omani na takuku igni un. Yunkan Tipi Wakan wanjikji el Winyan Omniciye kin hena wicakiyaka. Nahan tohinni Pennsylvania Owayawa wakan tuya el tipi wanji kagapi kta cin on inyan oise eglepi qel Gen. Miles econ kin icunhan Bishop Hare kicopi na wocekiye econ ſipi.

Philippine Wita ekta wakan cekiyapi wicohan kin oſkiſke selececa. Icin makoce kin na oyate kin waniyetu ota Spaniola tawayapi icunhan Sina Sapa Okolakiye el ſkan, na makoce tanka heca tawa iglawapi, mazaska woyawa tanka wikcemna nom kipiya. Yunkan lecala hecegla hena nakeca yuhapi kta, na wicaſa wakan owe Friars ewicakiyapi el unpi na oyate egna unpi kta keyapi kin on, Filipino oyate ſiglapina wicalapi ſni keyapi. Okolakiye unkitawapi kin lehan heciya ſkan na woowotanla ogna onspewicakiyapi keyapi.

Hekta George Washington-Tunkanſilayapi tokaheya-tonpi anpetu kiksuyapi qon na otonwe ota el wokiksuye kin ogna waeconpi icunhan, Puerto Rico el econpi. Icinhan omniciye yuhapi na hel Sina Sapa Bishop na Bishop Whipple (Pehin hanska woglakapi. Nopin tantanyan woglakapi na oyate kin he Milahanska tawicohan on okalniliwicaye keyapi.

Tokata April 19th kinhan New York otonwe kin el Bishop oyaſin mnicciyapi kta. Alabama obaſpe etanhan Bishop ookiye yuhapi kin wicohan tawa enakiye cin, na hecetukilapi kta naiſ toketu kinhan iwoglakapi kta.

THE DAYBREAK.

REV. E. ASHLEY
REV. W. J. CLEVELAND } Editors

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two cent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to

REV. E. ASHLEY,
Cheyenne River Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

OKOLAKICIYE WAKAN WIYAWAPI KIN

April wi kin.

1. Lent el Anpetu Wakan Izaptan. Nakun Passion Sunday eyapi. To
2. Lent el Anpetu Wakan Isakpe. Nakun Palm Sunday eyapi. To
9. Easter itokab Monday kin. Akilhanpi anpetu.
10. Easter itokab Tuesday kin. Akilhanpi anpetu.
11. Easter itokab Wednesday kin. Akilhanpi anpetu.
12. Maunday Thursday eyapi. Akilhanpi anpetu
13. Friday Waste. Sapa. Akilhanpi anpetu
14. Easter itokab Itayetu kin. To. Akilhanpi anpetu
15. Easter Anpetu. Ska.
16. Easter Anpetu Wakan el Monday. Ska
17. Easter Anpetu Wakan el Tuesday. Ska
22. Easter iyohakab, Anpetu Wakan Tokaheya kin. Ska
25. St. Mark Taanpetu kin. Ska
29. Easter iyohakab, Anpetu Wakan Inonpa kin. Ska

Wotanin-waste Ayapi On Wocekiye.

Anpetu iyohi wicokaya he cin. ehan heyapi kta:

Wanikiya waste isto wacantkiya nitawa kdugad, canicipawega akan otkeyahan yaun tka qon, maka akan wicaa un kin owasin Niye ekta etonwanpi qa niwicayapi nunwe. Amen.

OKOLAKICIYE WAKAN WIWICAWAN-GAPI KIN

Woonspe Iwikcemna Zaptan sanpa nonpa

Iyaonpepica sni Taanpetu kin.

W. Iyaonpepica sni taanpetu wokiksuye cin he tohantn he.

A. December wi wiyawapi wi-

kcemna nonpa sanpa saglogan hehantu.

W. Le anpetu kin on tokel kapi he.

A. Wotanin waste el, taku wan teliike oyakapi qon he kiksuyapi kte cin he.

W. Tokaca Christmas ohakab ikiyela ostanpi he.

A. Wanikiya unkitawapi tonpi qon hetanhan taku tokaheya tanka econpi kin, na wakanheya kin hena Christ on tokeheya martyr tapi kin heon.

W. Iyaonpepica sni kin lena tokel tapi he.

A. He ehan Herod, Juda el wicasayatapi un, na wicaa ksape cin wokiyakapi na Tuwa Juda oyate on wicasayatapi kin toki tonpi he wiyungapi kin on, iye wowaake tawa iyujuju kta e ikopa.

W. Hecel Herod taku econ he.

A. Jesus hoksicala yuzin kta cin.

W. Okihi sni qon hehan taku econ he.

A. Awicakeya Christ ktepi kta on yewicasi, na Bethlehem na makoce igluksan hoksicala oya-sin wicakte, tona waniyetu nonpa na ihukuya iyacinyan.

W. Herod taku econ kte cin on tokel Wanikiya unkitawapi nakipa he.

A. Joseph, Wakantanka econsi oga, Jesus, hunku kici icu na Egypt ekta iyaye, na Herod te sni hehanyan hel yanka.

W. Leconpi kin on tuktel wocanpi, wan yucetupi he.

A. "Micinksi Egypt etanhan weco." Hosea 11:1; Matt. 11:15

W. Herod tosihe kin on tokel kakija he.

A. "Makoica na wokakije ota on kastakapi."

St. Paul Yuhomniipi kin.

W. St. Paul yuhomniipi kin tohan Okolakiciye Wakan kiksuya he.

A. January wi wiyawapi wicemna nonpa sanpa zaptan hehantu.

W. Tokaca St. Paul Yuhomniipi on kiksuyapi he.

A. Wowapi Wakan el wicayuhomniipi oyake cin le iyotan woinihan kin hee.

W. St. Paul he tuwa he.

A. Otokahe Saul eciyapi; he Juda wicaa, Benjamin tiyospaye etanhan, Pharisee owa kin opa, na Celicia makobaape el otowen wan, woonspe wicohan on tanka Tarsus eciyapi kin el tonpi.

W. Tokel onspekiyapi he.

A. Anpetu kin hena el woslolye yuhapi kin iyuha onspekiyapi, na he ehan Juda oyate waonspekiye itancan wan Gamaliel eciyapi he onspekiye.

W. Nakun taku onspekiyapi he.

A. Wakeya kagapi wicohan kin he; icin Juda oyate kin cin-capi oyasin wokage wicohan

wanji onspewicakiyapi kta he hecetulapi, hecel wowahpanice nais woakipa wan akipapi esa tanyan unpi kta iyukeanpi.

W. Yuhomniipi sni itokab Christian unpi kin tokel wicakuwa he.

A. Wocanze tanka on sicaya wicakuwa.

W. Tuktel tokaheya hecon he.

A. Tokaheya Jerusalem el, hehan Wosnakaga itancan kin he, Damascus ekta Christian unpi kin sicaya wicakuwa kta e woiyowinkiye icila.

W. Canku oga ye cin, na waiapi, tilwicaktepi ko awicapogan icunhan taku akipa he.

A. Mahpiya eciyatanhan iyo-yampi wan igluksan iyojanjan, na mahpiya etanhan wicaho wan "Saul, Saul, tokaca sicaya mayakuwa he" eciya.

W. Saul tokel ayupta he.

A. "Itancan nituwa he" eya.

W. Woayupte tokel naon he.

A. "Jesus-sicaya yakuwa kin he miye" eya naon.

W. Hehan toketu he.

A. Iyoyanpa tanka kin on istagonga kin on, he Damascus ekta yusayapi na hel yamni can akibaniye un.

Woonspe Iwikcemna zaptan sanpa yamni.

St. Paul, maku.

W. Saul tonwan kta e, tuwa ca Wakantanka el yesi he.

A. Ananias eciyapi, he waonspekiye wicemna sakowinpi qon he wanji kecinpi, he nape aputake ca tonwan.

W. Hehan taku econpi he.

A. Baptisma qupi, na kohanna omniciye tipi oga Christ he Wakantanka Cinhintku kin ee ca oyaka.

W. Tokaca wicacaje wan Paul eyapi kin icu he.

A. Owekinis caje tani yuhe cin on Okolakiciye sicaya kuwa qon, he yuha Baptisma icu cin sni naceca.

W. Jerusalem ekta hi qonhan taku econ kta cin he.

A. "Waonspewicakiyapi kin ob un kta cin, tka oyasin koki-papi, na waonspekiyapi heca e wicalapi sni."

W. Yuhomniipi tka taku on cetunglapi he.

A. He itokab Christian sicaya wicakuwa kin he on.

W. Itancan waonspewicakiya tawa ohitiya sicaya wicakuwa kin wanji unkokiyakapi he.

A. He martyr St. Stephen kin, he tin kta ca iyowinkiya na icunhan hel un.

W. Waonspewicakiyapi wacetunglapi qon tokel on togge wacinyuzapi he.

A. Barnabas St. Paul icu, na Wahoziyepi kin el ahi, na tokel yuhomniipi kin he owicakiyaka.

W. Wakanyan yuhomniipi kin on taku iyowahpepica he.

A. Wakantanka wahitanipi sni tanka kin wicakicicajuju kta e

ohimni wiyeya un kin he wowakta heca kte cin hee.

W. Nakun taku eyepica he.

A. He yuhomniipi kin eciyatanhan Christ wotola tawa kin he wowicake ca waayatanin kte cin he on.

W. Itancan kin he, St. Paul on, tokel Ananias eciya he.

A. Waksica kahinge cin wanji ee, na Caje kin he Ikcewicasa wicakani kta heca keya, na heon Ikcewicasa Wahoziye Wakan tawapi kin he cajeyatapi.

W. Tokakije on taku eyapi he.

A. Wahoziye unmapi kin iwicasanpa kakije, yamni akigle wita wata kicableca, osni, locinpi, ipuzapi icakije, can on apapi, na inyan on kininpi.

W. St. Paul tuktel Wotanin Waste oyaka he.

A. Jerusalem el, Arabia, Asia, Greece, Illyricum na Rome el, nahap, wiyohpeyata maka opapun kin ekta.

W. He ehan makoce wan "Wiyohpeyata maka opapun" eyapi kin he tuktelu he.

A. Great Britain-Saglasa-makoce kin ee.

W. On tokel slolunyanpi he.

A. Eusebius, Theodoret, St. Jerome na toktokeca woyakapi kin eciyatanhan.

W. Watohan St. Paul martyr heca ta he.

A. Wanna waniyetu 68 qonhan, Rome otowen ekta pabaksa-pi, Nero wicasayatapi taanpetu el, he ehan Christian lila tehiya wicakuwapi, A. D. 66 hehantu.

W. Tuktel hapi he.

A. He canku wan-Ostian Way eyapi opaya, na ohakab hel Tipi Wakan owanyag waste wan kagapi.

W. St. Paul taku wowapi wicakicaga he.

A. Wowapi aketopa kaga, na hena el, Wakantanka towaonsila kin he tokel Juda oyate iyowajapi hecinhan, he iyecel Ikcewicasa iyowajapi kte cin he yawicake.

Wowapi Wakan Yawapi Wawokiya.

Zechariah

1. Zechariah (Jehowa tuwa kisiyaya) he Berechiaah cinhintu, na Iddo takojakpaku, (Ezra 5:1; 6:14). Iddo eciyapi kin he wosna kaga owe wan he itancan heca (Neh. 12:4-16), na wayaka awicayapi kin, hetanhan Zechariah kici gliu, na hecel wokcan wicohan tokaheya econ qonhan, nahalci koskalaka naceca. Haggai kici iyahan un, na iye wokcan kin ohakab wi nonpa hehan iwokean (Zech. 1:1), na waniyetu nom skan, na on Juda oyate on Tipi Wakan kagapi kte cin, he iwacintankawicaye.

2. Wokcan tawa itoketu kin. Oyate skakapinpi qon na Haggai wicayulica kin, he iyecel kuwa; qaya wokcan okage cin he tokeca. Tipi Wakan kagapi icunhan, hanhepi wowanyaka qupi, na hena eciyatanhan oyate kin wicohan tanka kin on iyowicapa-

stake; tuwa waniyetu tona Persia makoce el un-kin on, wowanyaka tawa kin he Persia ohanp on iyacinyan oyaka.

3. Yuwitayapi kin. Wowapi kin le onspa yamni onkiyuspapi: 1. Wico. 1-6; 2. Wico. 7, 8; 3. Wico. 9-14.

Onspa Tokaheya kin he wowanyake owecinhan wanyake-cin he oyaka. Tokaheya Ogligle wakan hadas-myrtle-can egna un kin (1:1-17). Wowanyake inonpa kin, he topa na mazakaga topa kin, he Ikcewicaşa woyasu akipapi kte cin he iyacinyan oyaka (Wico. 1:18-21). Wowanyake iyamni, he wicaşa wan wiyutapi ikan on Jerusalem otohanyan iyute cin he, na he eciyatanhan, tokel Ikcewicaşa, Juda oyate ob opewicayapi kte cin he iyacinyan oyaka (Wico. 2:1-9). Wowanyake itopa. Woşna kaga wicaşuskapi kin he na ALETKA wan hinape cin (Wico. 3). Wowanyake izaptan. Mazaska zi peli-janjan kin, na icagla wigli can nom etanhan ojuyapi kin, he eciyatanhan Tipi Wakan kagapi kte, ea iyohakab Okolakiciye Wakan kin, Woniya Wakan, wowitan kagin kte cin he iyacinyan oyaka (Wico. 4:1-14). Wowanyake isakpe. Wowapi wan kinyan un kin, he tona waoholapi şni wato-wicakiconpi kte cin he (Wico. 5:1-4). Wowanyake isakowin. Winyan epha (wiyutapi) el paşkicapi na wiyohiyanpata (Şinar) ekta ayapi kin, he wakagapi oholapi yuwanicapi na yutokanpi kte cin he oyaka (Wico. 5:5-11). Wowanyake isaglogan. Canpa-gmigma topa, mazaşa he nom iyokognatanhan hinanpapi kin, he Taku Wakan Wiwicakiciyni tawa oiyaye kin he (Wico. 6:1-8). Wowanyake inapciyunka kin. Joshua, wawayuşna itancan kin wateşlagkicatnpi kin, he eciyatanhan, tuwa ALETKA kin, he iye el wicaşayatapi na wawayuşnapi wicohan kin yuukiwanjipila kin hee (Wico. 6:9-15).

Onspa inonpa kin. Inapciyunka taku wanyake cin hetanhan Zechariah tawokean kin on waniyetu nom oko yanka. Tka, Darius tawaniyetu itopa, B. C. 518, hehan ake Jehowa oie kin el hi. Oyate Bethel el onyanpi kin wicaşa nom-Sharezar na Regem-Melek (Wicaşayatapi takolaku) na caje yuhapi kin on Aşur iapi on yuhapi kin he wayaka awicayapi opapi qon tanin-he Moses toope kin el tokel akiliani-eyapi kte cin, isanpa anpetu toktokeca el nakun heconpi kta hecinhan iyunli wicaşi. Wicaşa wokcan kin, Jehowa oie kin eciyatanhan awicayupte ca akilianiçiyapi wowicake kin he taku hecinhan owicakiyake (Wico. 7), na tohan oyate ota Jerusalem ekta, Jehowa oholapi kta eyapi eca hehan akilhanpi anpetu kin hena wowiyuşkin anpetu beca on yutokecapı kta oyaka (Wico. 8).

Onspa iyamni kin. Onspa kin le on woawacin toktokeca yukan eşa Wico. 9 el tokel tokata Juda Okolakiciye un kta, na wicaşaya-tapi tawa, Wookiye itancan kin u kta, na Israel kakişwicaye etanhan ewicaglakı icunhan, Ikcewicaşa iye el wicaglamna kta. Wico. 10 el Juda tokel watonka yuha kte cin, he iyecel Israel kici iyowaja kta, Egypt etan glinapapi qon iwaştepi iyececa. Wico. 11 el Messiah-icupi şni, tka wanyaka wan iyecel yawapi kin heon woiyotaniyekiye akipapi. Wico. 12-14 el tokel ocib woyuştan kta na otonwe wakan yuskapi eca oyate hiyeye cin hena, hetu Jehowa oglakapi na oholapi kta hena oyaka.

4. Wowahokiciye teca el cajeyatapi kin he ota. "Wicaşayatapi waliwala, şonşonla akan u" (Wico. 9:9) he Matt. 24:4, 5; John 12:14-16 el cajeyatapi. Talica şunka awanyake waşte mazaska wikcemna yamni on wiopeyapi kin (Wico. 11:12, 13), he Matt. 17:9 el cajeyatapi. "Hecel miye camapapi kin el ahimatonwanpi kta" (Wico. 12:10) he John 19:37 el cajeyatapi. Nahan Waawan-yake tokel ecakiconpi kte con (Wico. 13:7-9) he Matt. 26:31; na Mark 14:27 el oyakapi.

Crow Creek, S. D.,
March 10, 1900.

Mitakuyepi: Yewicaşipi wicohan (Missions) ikehanyan cajeyatapi, qa Christian unqunpi kin wicohan iyotan tanka unyuhapi kin de wanjı e unkoniciyapı ece. Yewicaşipi wicohan en wicaşupı kin eciyatanhan wicaşa obe yamni yukan. Tokaheya, tona wicohan nina tanka e okahniçigapi qa okiyapi kta cinpi hee cin hena eepi. Inonpa, tona tanyan okahniçigapi şni eşa econwicaşipi on etanhan wicaşupı tawatenyapi kin. Iyamni, tona okahniçigapi şni, hecen wicaşupı wicadapi şni kin hena. Unkan, ito, obe tokaheya kin etanhan winyan unkitawapi ekna sanpa qa sanpa wicota aye nin ecanmi. He eciyatanhan ociciyapi wacin, qa hecen wi iyohi token owakahi wowapi cicagapi, qa makoce toktokeca ekta yewicaşipi wicohan kin eciyatanhan cistinna eşa taku ociciyapı kta. Unkan dehan Japan ekta wicincana cistinna waniyetu şakpe he on taku ociciyapı kta. Wowapi Wakan kin en oekde wanjı decetu, "Unkan wakanheja cistinna wan hena yusawicaye kta." De wicakapi e sdonunyanpi. Wakanheja nahanlicin şina cistipinan eşa, Wakantanka unkiyepi etkiya tawoştedake qa towaonsida okahniçigapi. Dakota wakanheja ekta de iwanunyakapi. Unkan wakanheja cantepı kin akiyececapı maka sitomniyan.

Japanese wicincana cajemdate cin he Christian heca. Unkan iye winyan wan Christ sdonye şni heca wanjı ti kin ekta i qa eciya, "Niye Jesus Christ sdonya-ye şni. Miye He sdonwaya qa

ceciciciye kta" ce eya. Heye cin he winyan kin iyokipi şni. Şinkda, qa wicincana kin he cistinna, witkotkoka qa heceken iye eciye kta iyececa şni keya. Wicincana kin tiyata ki qa token econ okdaka; unkan hunku kin ake hen ye kte şni waşte keya. Tka iye winyan Jesus sdonye şni kin he nina onşıkida. Hecen ake ekta i qa eciye ciqon ake iyecen eciya. Unkan winyan kin ake nina şinkda, qa wicincana ti kin etanhan tankan iyayeya. Qeyaş iyohakam iciyamni ekta i, qa Wakantanka oyagşı kin ake winyan kin eciya. "Niye Jesus sdonye şni: Miye He sdonwaya, qa dehan den ceciciciye kta," ce, eya. Wicincana kin wanna ohıya. Winyan he cante kin şkan aya, qa Jesus wicada. Hehantanhan tipi wakan qa winyan Wowapi Wakan onspeiçiciyapi kta on mnicıyapi kin en i şa.

Wicincana kin de hunku tohin-ni taku on cante şica. Ohinyan qa heya: "Nina cante maşica, iyotaniyewakiya; maşa unkanş waşte kta," eya. Cunwintku cistinna he nalion qa hunku heciya: "İna, Jesus tanyan sdonyaye şni. Sdonyaya unkanş Iye wacinyaye ca hecen ehe kte şni tka. Miye ceciciciye kta," ce, eya ca wancaknana kun cankpeşka makakde inajın qa hunku on wocekiye eya.

Wicincana kin he winyan nonpa Jesus en awicahi. Qa hena yamnıpi etanhan ota Wotanin Waşte kin nahonpi qa wicadapi.

Tuwenan Japan ekta oyate kin Wakantanka qa Iye towaştedake on owicakıyake kta yeşipi şni unkanş wicincana kin he qa winyan nonpa hena tohinni Christ eciyatanhan nahonpi kte şni tka.

April Wi Wowapi Wakan Oekde.

Tona Itancan caje kin hoyekıyapi kinhan hena ototıyohi nıpi kta.

Tuka tuwe kin wacinyanpi şni kinhan token on he hoyekıyapi kta he; qa he nahabcin nahonpi şni kinhan token wacinyanpi kta he; qa tuwenan oyake şni kinhan token nahonpi kta he.

Qa ekta yewicaşipi şni kinhan token oyakapi kta he. Romans 10:13, 14, 15.

Tona winyan omniçıye opapi kin owasin oekde kin de onspeiçiciyapi kta nina wacin. Nakun hekta March wi ciçupı qon he akiktonjapi şni. Tohan mniçiciyapi eca nopin ehapi kinhan hena tanyan onnispepi kta, heced tohinni eyektonjapi kte şni.

Nitakuye,

Mrs. Burt.

Anpao kin:

Ito wowapi ciçu kta qa woiwange kin he toketu kecanmi kin he yaotanin cişi kte. Wocekiye opapi qeya bloke co-kaya-eca woşkata opapi na ituhanpi naiş hecen wayatkanpi na itomniçipi hena tohinni Jesus on-

speunkıyapi şni. Tuwa wocekiye opa qa hecen econ un kinhan tohinni Wakantanka ti kin wanyake kte şni qa wicani owihanke wanica kin ecaca iyowaja şni. Eciya hena wicohan kin Wakansicea tawicohan, qa wocekiye opapi ota hececapı, wacipi qa ituhanpi, mini wakan yatkanpi, qa taku şica econpi qa wacakizapi, taku tona Wakantanka econ şni wicaşi kin hena ee nina econpi. Unkan ito, tona wanna wocekiye opapi qon hena owicohan kin tanyan okahniçigapi qa econpi kta iyececa. Jesus wicadapi kin hena token econunşipi kin he Jesus onspeunkıyapi. Wakansicea tawicohan wanjına econqonpi kte şni, tuka ohinni wocekiye eyapi qa wowapi wakan kin wayakapi kta qa ohinni tanyan awanıçlakapi kta qa taku wawiyutanye kin hena itehanyan igluhapi; qa ohinni waşte qa wacantkiyapi, qa tohinni tawacin şicapi kte, wawakıjınpi qa wacıpi kte şni, wacipi kte şni, ituhanpi kte şni, wayatkanpi kte şni qa itawicakıhanpi kin yuhapi kte şni; qa tuwe mini awicakıştanpi eşa token içiconzapi qon he ecen econpi şni qa en ewacın şni qa ecinşnişni ohanyanpi, qa ho tokşa wanna le miniamakıştanpi qa hecen wanna wani kta eyapi ece, tka tuwa miniakıştanpi qa ecen igluhe şni kinhan tohinni nagi kin nıpi kta okıhipi şni. Ho, eya wanna tona wocekiye opapi kin hena Dakota wicohan wanjına econpi kte şni iyececa Wakantanka tawoope kin yutakunnişniyan kuwapi iye-cetu şni, tuka tanyan ablezapi qa tanyan econ wacınpi kte. Ho henala epin Tona de wankakapi oyasin napeciyuzapi lo.

Ben. Swift Bear.

Morton, Minn. etanhan.

Anpao kin:

Ito dehan woakıpa wanjı unakıyapi qa heon ohdake kta wacin. Hekta Aug. 8 he ehan ina elıpeunyanpi qa awicakehan tehike undapi eşa iye eş heci wocante şica waniça ekta iyaye qa awicakehan Taku wakan wicada tani te kte cin sdonkiya eşa ikape şni qa ohinni wocekiye eya yanke qa ohni wahokonunkıyapi qa taku on waktanıyanpi kin he nina econunşipi. Unkan mıcınca yamni elıpeciyapi kta tka wanna oyasin nitankapi heon cante şice şni toki bde kte cin inawahni ce eye. Unkan woakıpa de awakıpa icunhan wowapi wakan de ohni weksuya ece, Johanes wicowoyake aketopa qa oehde tokaheya, "ihnuhan cante nişicapi kinhan, Wakantanka wicayadapi qa misnakun wicadamayadapi" eye cin. Heon mitawacin wamaşake secece, hecen tehiya waunkıyapi eşa, icunhan winyan omniçıye den unpi kin taku cante unşicapi qa unceyapi kin is eya iyecen cante şicapi qa ceyapi qa wowaste owasin ecaunkiconpi; tuka Wakantanka wicadapi kin cantepı kin en sutaya wicadapi ecanmi. İna te cin he caje deş, Jane Chambers-Pahomni wın, waniyetu wikcemna şakpe-sanpa topa. Tona Ska on oyapapi owasin mitakuyepı wocekiye on unkişsuya miye.

Lucy Taopi.

WOTANIN IKCEKA.

Cuba ekta can owe toktokeca yukan. Hena hunā can suksuta na on canblaska nains takuku timahel hin kta heca kaḡapi waštešte. Hekta tuweni tanyan ekta etonwan šni kin on oḡanko-ya otuyacin yusol ayapi tka. Hena oyate towijica kin onšpa tanka ee, tka oyate slolkiyapi šni se takušnikiyapi. Lehanl ablezapi yunkan tokel kpatanpi kta kuwa ayapi. Canoju tankinkin-yan, tinskoya oyate ataya tawapi kinhan, hena awanwicakiciyakapi kta ca waawanyake šakpe wicakaḡapi kta cinpi na Gen. Wood on icekiyapi. Waawanyake iyohi wi akenonpa on \$2,000 wokajuju qupi kta keyapi. Hecel hekta takušnikiyapi wan he tokatakiya tanyan gluhapi kta on waniyetu iyohi \$12,000 aglusotapi kta. Woonspe wašte unqupi.

Anpetuwi iyoyanpa kin he mini mahel iyaya yeša tehan mahel iyayin kta okihi šni. Hecel wicaša on mini mahel tehan iyayapi kta opiye ičicaḡapi kta okihipi na ehantanhan waniyetu ota econpi sa qe yaš ceteta ihunhipi kinhan takuni tanyan wanyakapi kta okihipi šni tka qon. Pelijanjan ikceka yuha yapi kinhan mini oḡlateya ile kte šni, nains on ile kta tate qupi yeša otankaya iyojanjan kta okihi šni. Hececa lakaš mini oḡlateya takuku ole ipi cannahanšna teliya wowaši econpi ececa. Electric pelijanjan hecela taku kin le on wašte na mini mahel tanyan iyojanjan. Hekta unma cikiqala kin, incandescent eciyapi kin, heca ece unpi kta okihipi; tka lecala koškalaka nonpa heca on tanyan onspeiçiciyapi na tokel electric pelijanjan unma tankinkin-yan kin, Arc pelijanjan eciyapi kin, hena koya mini oḡlateya itokecašni iyojanjanpi kta iyeyapi. New York ikiyela miniwancata wanji on iyuteya econpi yunkan pelijanjan ska heca 2,000 kipiya iyojanjan kta wowašake yuha yeša lila tanyan keyapi.

New York otowwe ekta zuzeca wan siha iyutapi 22 hehankeca yuhapi. He zuzeca owe wanji python ewicakiciyapi heca. Fatima eciyapi. Owe kin he waniyetu iyohi ha glušlokapi sa, tka Fatima wanna ha glušlokin kta iyekicihantu yeša econ kapin selececa. Ha glušlokapi šni kinhan tapi sa slolyapi kin on wicaša yamni okiyapi yunkan ha tanike cin he yuhlel elpekiyapi. Ataya elpeyapi kinhan zuzeca lila wiyuškin na ha teca wanna tanyan ičaga canke lila wiyakpakpa na owanyag wašte keyapi.

Pine Ridge Agency ekta, Ogla-la Boarding School hel March wi ehanl šni eya wotanin wowapi kaḡapi. "Oglala Light" eciyapi na

wi iyohi nonpa kaḡapi kta yu-šanpi.

Dr. O. E. McChesney, Rosebud ateyapi kin, he ake hecena ateyapi kta wicaša waštešte ota cinpi. Tehan Lakota ob un na wicaša ksapa na wašte. Tawacin oḡanko heca šni, nains išnala ičicuwa un heca šni. Wiyukean wayupika na tokel on Sicangu oyate kin owotannayan wicakuwapi kta na oḡankoya oçihipi kta hena oya-sin iwicakicigni un. Ake waniyetu topa on ateyapi wicoḡan kin econšipi kta he Tunkanšilayapi Iyokihe he na Com. Indian Affairs nakun nopin iyokipipi na hececin kta Tunkanšilayapi icekiyapi. Rosebud ikiyela politicians unpi kin wanjigji Dr. McChesney taku šica wanjina iyaonpapi kta okihipi šni yeša takomni otuyacin elpeyapi kta cinpi na tokel okihika Wakiya Wicaša Tomniciye tanka kin el wokipajin kicicaḡapi kta iteka.

Lehanl Wakiya Wicaša Tomniciye kin ekta Ikcewicaša on Committee wicakaliniḡapi kin le na eepi. Omniciye Wankantuya tawapi: Mr. Thurston, chairman, Messrs. Platt, Shoup, Steward, Nelson, Baker, Quarles, McCumber, Kyle, Morgan, Jones, Pettigrew, Rawlins, McLaurin nahan Mr. Clark.

Omniciye hukultanhan tawapi: Messrs. Sherman, Curtis, Eddy, Stewart, Lacy, Gamble, Sheldon, Gill, Little, Stephens, Zenor, Wilson, Thayer, Fitzgerald, Dougherty nahan Mr. Flynn.

Omaka 1778 he ehanl United States toka wolakota wan Ikceoyate wanji ob kaḡpi na itahena heca lila ota yušanpi. Hena iyuha lecin wowapi wanjila el kaḡapi kta ca Com. Indian Affairs Wakiya Wicaša Tomniciye icewicakiya.

Crow Creek Agency ekta ateyapi kin, J. H. Stephens he elpeyapi naunḡonpi šni, tka šicaya oḡan iyaonpapi na Com. Indian Affairs ti kin ekta aiyapi na wiaonpapi kin hena yuwicakapi oyakapi.

Feb. 3 ehanl Indian Appropriation Bill Wakiya Wicaša Tomniciye hukultanhan kin el yušanpi. Omaka 1900-1 icunhan Ikcewicaša oyasin awicayusotapi kta \$7,328,000 henakeca kta yušanpi. Hekta omaka qon he isanm iyeya \$172,000 awicayusotapi.

Dawes Commission nahanleca Indian Territory ekta škanpi. Territory kin he oḡankoya State ičagin kta kuwapi. Le omaka kin heon \$300,000 yusotapi kta yušanpi. Letanhan waniyetu zaptan wahehanl kigleḡapi kta kecinpi.

Wayawawicakiciyapi Tunkanšilayapi tawa lece šni kin heca letanhan tokatakiya Ikcewicaša

tamazaska on owicakiciyapi kte šni yušanpi. Wanna waniyetu toka Šina Sapa išnala hecel owicakiciyapi, canke išnala woyušan kin he on teli waakipapi.

Hampton Institute he Tunkanšilayapi tawa lece šni nahan nakun Okolakiciye tuweni tawa šni hecel he Ikcewicaša tamazaska on okiyapi kta iyececa nains iyececa šni hecinhan tehan iwoglakapi, yunkan oḡanketa \$20,000 on okiyapi kta yušanpi. Hecel he hecena inyinkin kta iteka.

Kulwicaša owakpamni ekta Tipi Wakan wašte ptinhan hulinage ciqon he piya kaḡapi kta on koḡan mazaska mnayanpi yunkan lecala yušanpi kta oyakapi.

General Lawton, Philippine wita ekta akicita itancan okinihanpi leca wanji, hekta Dec. 19, ehanl okicize el ktepi. Tancan kin United States ekta aglipi na hapi kin ekta Tunkanšilayapi na wicaša okinihan ota opapi. He ktepi qon ehanl Lakota Ieska cinca wanji William Colombe eciyapi, akicita ikceka heca, ikiyela toka wicakute najin. Gen. Lawton tancan kin icupi na kicizapi kin etanhan tokanl ayapi kin el owicakiya keya oglaka.

Saḡlaša oyate Hasapa makoce ekta Boers ob kicizapi yunkan wanna wi ota kicizapi yeša Boers išnala ohinni woohiye tawapi. Hecetuwanjica Saḡlaša akicita oḡlota wicaktepi na okaptapi kin napewicayapi nains wayaka wicayuzapi ececa. Saḡlaša akicita tohinni takuni okihipi kte šni selececa, yunkan unḡuhanla woohiye tanka ičicaḡapi. Feb. 27 ehanl Gen. Roberts Boers 4,000 wahecetu wayaka iwicacu.

Wasicun otowwe wanjigji ekta wowasukiye ičicaḡapi kin wanji wakanheja hanhepi can otowwe canku ognagna škatapi nains išnala tokiya yapi anaptapi kta on kaḡapi. Wicokaya sanpa mazaškanškan šaḡloḡan nains na pcinyunka apa hehanšna mazašlala tanka kaḡlapi na heconpi kinhan wakanheja oyasin timahel kiglap kta wasuyapi. Kaḡlapi ohakab wakanheja tona tankal unpi nains išnala tokiya yapi wanwicayakapi kin owicayusapi. Tuktel heconpi kinhan, wicoḡan šica na wicowicašašni wakanheja econpi sa kin heca ota anaptapi keyapi, na wowasukiye kin he tanyan yuhapi kinhan wakanheja sanpa tanyan unpi na wicaša na winyan waštešte ičagaḡapi kta owicakiye iyukanpi.

Philippine wita kin el wokicize kin on United States akicita kin ohiyewicaye keyapi. qe yaš nahanl Filipino akicita škanpi na enakiciyapi kta cinpi šni.

China makoce kin ekta woškiške yukan ee eyapi. China oyate kin lila wicotapi, na heon Russia, Germany, France, England na United States oyatepi kin taku toka hol wiyopeya ahipi kta cinpi na on wokanna tanyan kecinpi. Yunkan oyate zaptan iwankab cajeyatapi etanhan toka tokaheya

kin he China makoce onšpašpa olotapi na hetanhan takuku wiyopeyapi. Eya olotapi keyapi eša owekiniš hecetuwanjica tawayapi kte seca. Lakaš China oyate wanna tawacin akipam unpi, hunli hecetuwikilapi, na hunli tokantanhan hipi iyuha hawicayapi kta iyecetulapi, na heon woškiške. Yunkan taku econpi kta oyate kokipapi kin on oyate zaptan kin hetanhan ozuye wita wata tawapi ekta yewicašipi.

Ptayetū kinhan ake United States oyate kin tuwa Tunkanšilayapi kte cin he on caje iyohipeyapi kta. Iyunkan Republican owe kin he Mr. McKinley akta kalniḡapi kta, Na Democrat owe ake W. J. Bryan kalniḡapi kta iyukanpi. Hececa kte lakaš Mr. Bryan lila omani na otowwe iyaza oyate himniciyapi na iye wowicakiciyaka. Iyunkan lecala Paha Sapa otowwewe kin el hecon. Lehanl Republican na Democrat owepi kin taku akinicapi. Spaniola ob kicizapi qon na makoce ohiyapi kin he Republican heceḡla gluhapi kta na oyate tokata awaniglakapi okihipi ca tawaiçiyapi kta keyapi. Democrat kin iš hiya makoce kin tawaunyanpi kta iyececa šni, tka wancagna oyatepi kin tawaiçiyapi kta iyecetu keyapi. Toketu kacel!

He! he! he! Minnesota obašpe kin el wotehi tanka akipapi. Hekta March 2nd he ehanl Bishop Gilbert eciyapi kin ignuhayela lece te. Itokab wiyohiyanpata omani na tuktelktel wahokonwicakiye icunhan holpa hingle na tiyata gli kin heceḡla holpapi kin cagu el natakahe na on te. Bishop kin he lila bliheca na wicoḡan tawa kin on tohinni ikpatan šni. Bishop kin le wicaša ota yuonihaupi na te qon lila ištaminigaga ota.

North Dakota obašpe kin el Fargo otowwe ekta Tipi Wakan wan teca wašte kaḡapi he lecala yuwakanpi.

Africa ekta makopašpe wan "Congo Free State" eciyapi el oitancanpi kin tax womnaye kin mnayanpi kta e Hasapa heconwicacišipi. Iyunkan mnayanpi icunhan takuni oḡolapi šni na Christian ota wicaktepi na otowwe tona ihangyapi na šicaya oḡan-yanpi keyapi.

Tunkanšila wakiya tawa - Congress-Okolakiciye owayawa kin on mazaska kalniḡapi šni kin on, Philadelphia el Šina sapa Bishop (Archbishop Ryan) kin he iyokipi šni ca oglaka. Qe yaš kalniḡapi šni kin he hecetu.

Lecala Gambier, Ohio, ekta Okolakiciye Wakan etanhan koškalaka owayawa opapi kin omniciye econpi na wicoḡan wakan kin aḡleskiciyapi na tokel iyoptekiya-pi kica kinhan iwaktakiciyapi. Ieunhan Bishop wanjikji el unpi na wahokonwicakiciyapi. Bishop, Gilbert, Minnesota etanhan hel hi na wayupiya takuku ewicakiye.

Tokata omniciye econpi kte cinhan he Philadelphia, Pa., el Wicaša Wakan Owayawa yanke cin ekta econpi kta glušanpi.